


冊府元龜

七百十五之十六

二百十五



三〇〇	二七	五三四	漢書門
冊	架	函	號

三五	三〇	五三四	漢書
冊	架	函	號

內閣文庫	
番號	漢 5345
冊數	300 (215)
函號	365 6



册府元龜

漢書文庫

淮南李嗣京參閱

西極文翔鳳訂正

豫章黃國琦較釋

官臣部 八

忠於所事

昵狎

罪譴

忠於所事

士有脩身立志策名委質夙夜匪懈思不出位風雨如晦不改其節所謂善於其職而無媿於人矣若乃肇建儲闈列樹藩戚尊崇保傅慎簡寮家所以贊翊

官臣部

卷之七十五

元良保父宗室衣固本支以隆邦翰則有博識端士
老成碩德周旋輔導朝夕規誨奉之以義不納於邪
者蓋比比有焉其或處艱難之際奮不顧身明趣向
之方繼之以死信可以敦激薄俗昭示後世者也

漢周昌為趙王相高祖宴駕太后使使召趙王昌令
王稱疾不行使者三反昌曰高帝屬臣趙王屬委也音之欲

反王年少竊聞太后怨戚夫人欲召王并誅之臣不
敢遣王王且亦不疾不能奉詔太后怒乃使使召趙
相相至謁太后太后罵昌曰爾不知怨戚氏乎而不
遣趙王昌既徵高后使使召趙王王果來至長安月

餘見鴆殺昌謝病不朝見三歲而薨

賈誼為梁王傅梁王勝墜馬死文三王傳言揖此誼言勝為有兩名

自傷為傅無狀無善狀嘗哭泣後歲餘亦死

韓安國事梁孝王為中大夫梁王以至親故得自置
相二千石出入遊戲僭於天子僭倣也景帝聞之心不

善太后知帝弗善廼怒梁使者弗見案責王所為安

國為梁使見大長公主而泣大長公主景帝姊也曰何梁王為

人子之孝為人臣之忠而太后曾不省也省視也夫前

日吳楚齊趙七國反自闕以東皆合從而西嚮從音子容

唯梁最親為艱難梁王念太后帝在中京師為中猶言中國

也而諸侯擾亂一言泣數行而下跪送臣等六人將
兵擊卻吳楚吳楚以故兵不敢西而卒破亡梁之力
也今太后以苛禮責望梁王苛細也梁王父兄皆帝而
所見者大故出稱蹕入言警蹕止行人也警令戒肅也天子出入皆備此儀
而今云出稱蹕入言警者互舉之耳言警者互舉之耳車旗皆帝所賜即以嫪鄙小縣嫪音
呼說切呼說切驅馳國中欲夸諸侯令天下知太后帝愛之
也今梁使來輒案責之梁王恐日夜涕泣思慕不知
所為何梁王之忠孝而太后不卹也長公主具以告
太后太后喜曰為帝言之言之帝心迺解免冠謝太
后曰兄弟不能相教迺為太后遺憂悉見梁使厚賜

之其後梁王益親驩太后長公主更賜直千餘金更音

工衡切繇此顯結於漢

竇嬰景帝時為栗太子傅十年太子廢嬰爭不能得
謝病屏居藍田山下數月諸竇賓客辯士說莫能
來

史丹為駙馬都尉元帝令丹護太子家時傳昭儀子

定陶共王有材藝共讀曰恭子毋俱愛幸而太子頗有酒

色之失毋王皇后無寵建昭之後元帝被疾不親政

事留好音樂留意於音樂或置鞀鼓殿下天子自臨軒檻

上墮銅丸以摘鼓墮音類下也摘音持聲中嚴鼓之



節

莊嚴

後宮及左右習音知者莫能為而定陶王亦

能之帝數稱其材册進曰凡所謂材者敏而好學温

故知新皇太子是也若乃噐人於絲竹鼓鼙之間則

是陳惠李徵高於康衡可相國也

噐人取人噐能也
陳惠李徵皆黃門

鼓吹也

於是帝嘿然而咲

咲古笑字

其後中山哀王薨太子

前弔哀王者帝之少弟與太子游學相長大

同處長養以至

於壯大

帝望見太子感念哀王悲不能自止太子既至

前弔帝大恨曰安有人不慈仁而可奉宗廟為民父

母者乎帝以責謂册

謂者告語也

册免冠謝帝曰臣誠見

陛下哀痛中山王至以感損向者太子當進見臣竊

戒屬毋涕泣感傷陛下

屬之欲切

罪迺在臣當死帝以為

然意乃解册之輔相皆此類也竟寧元年帝寢疾傳

昭儀及定陶王嘗在左右而皇后太子希得進見帝

疾稍侵意忽忽不平

稍侵言漸篤也平和也

數問尚書以景帝

時立膠東王故事是時太子長舅陽平侯王鳳為衛

尉侍中與皇后太子皆憂不知所出

不知計所出

册以親

密臣得侍親疾候帝間獨寢時册直入卧内頓首伏

青蒲上

以青規地曰青蒲自非皇后不得至此

涕泣言曰皇太子以適

長立積十餘年

適讀曰嫡

名號繫於百姓天下莫不歸心

臣竊見定陶王雅素愛幸今者道路流言為國生意

以為太子有動搖之議審若此公卿以下必以死爭
 不奉詔臣願先賜死以示群臣天子素仁不忍見冊
 涕泣言又切至帝意大感喟然太息曰吾日困劣而
 太子兩王幼少意中戀戀亦何不念乎然無有此議
 且皇后謹慎先帝又愛太子吾豈可違指駙馬都尉
 安所受此語也安焉也冊即却頓首曰愚臣妄聞罪當死
 却退也離也帝因納謂冊曰吾病寢加恐不能自還還讀
 青蒲上讀善輔道太子毋違我意道讀冊嗟唏而起嗟音虛
 切日導太子繇是遂為嗣矣唏許既

後漢鄧暉為上東城門侯光武令暉授皇太子疆經

郭后既廢而太子意不自安暉乃說太子曰父處疑
 位上違孝道下近危殆昔高宗明君吉甫賢臣及有
 纖介放逐孝子春秋之義毋以子貴太子宜因左右
 及諸皇子引愆退身奉養母氏以明聖教不背所生
 太子從之帝竟聽許

張湛為太子太傅及郭后廢因稱疾不朝拜大中夫
 夫居中東門候舍故時人號曰中東門君帝數存問
 賞賜

未暉為東平王蒼椽正月朔旦蒼當入賀故事少府
 給璧是時陰就為府卿貴驕吏傲不奉法蒼坐朝堂

漏且盡而求璧不可得顧謂椽屬曰若之何暉望見少府主簿持璧即往給之曰我數聞璧而未嘗見試請觀之主簿以授暉顧召令吏奉之主簿大驚遽以白就兢曰朱椽義士勿復求更以它璧朝蒼既罷召暉謂曰屬者椽自視孰與蕭相如光武聞而壯之杜撫字叔和爲驃騎將軍東平王蒼所辟及蒼就國椽史悉補王官屬未滿歲皆自劾歸時撫爲大夫不忍去蒼聞賜車馬財物遺之辟大尉府

种嵩爲侍御史順帝擢監太子於承光宮中嘗侍高梵從中單駕出迎太子時太傅杜喬等疑不欲從惶惑不知所爲嵩乃手劍當車曰太子國之儲副天命所係今嘗侍來無詔何以知非姦邪今日有死而已梵辭屈不一敢對馳命奏之詔報太子乃得去喬退而歎息愧嵩臨事不惑帝亦嘉其持重稱善者良久吳謝景字叔發與刁玄羊術等皆爲太子登賓客及登薨景時爲豫章太守不勝哀情棄官奔赴拜表自劾大帝曰君與太子從事異於他吏使中使慰勞聽復本職即遣還鄉

陸裔字敬宗凱弟也始爲御史尚書選曹郎太子和聞其名待以殊禮會全寄楊竺等阿附魯王霸與和

分爭陰相譖構陸坐收下獄楚毒備至終無他辭
晉劉卞爲愍懷太子左衛率知賈后廢太子之謀甚
憂之以計干司空張華而不見用益以不平賈后親
黨微服聽察外間頗聞卞言乃遷卞爲輕車將軍雍
州刺史卞知言泄恐爲賈后所誅乃飲藥卒
江統爲愍懷太子洗馬及太子廢徙許昌賈后諷有
司不聽官臣追送統與洗馬潘滔舍人杜蕤王敦魯
瑤等冒禁至伊水拜辭道左悲泣流漣
荀閻爲齊王冏掾屬長沙王又旣誅冏暴尸於西明
亭三日而莫敢收斂閻表乞殯葬許之

盧志爲成都王穎左長史穎之敗也官屬奔散唯志
隨從不息及穎薨親自殯送時人嘉之

王矩爲長沙王國左常侍時成都王穎遣刺客圖長
沙王又矩侍直見客色動殺之

丁潭爲琅琊王褒郎中令褒薨潭上疏元帝求行終
禮曰在三之義禮有達制近代以來或隨時降殺宜
一登輦以敦於後輒案令文王侯之喪官僚服斬既
葬而除今國無繼統喪庭無主臣實陋賤不足當重
謬荷首任禮宜終喪詔下博議詔使除服心喪三年
張禕爲琅琊王國郎中令從王至雒還京都宋高祖

封藥酒一甕付禘使密加酖毒禘受既還於道自飲而卒

宋王璵之琅琊人有才局爲竟陵王誕錄事參軍時誕在廣陵孝武遣戴明寶襲之誕遣壯士擊破之帝又遣車騎大將軍沱慶之討誕時璵之五子悉在建鄴璵之嘗乘城慶之縛其五子示而招之許以富貴璵之曰吾受主王厚恩不可以二心三十之年未獲死所耳安可以私親誘之五子號叫於外呼其父及城平慶之悉撲殺之

南齊何昌寓爲臨海王昭秀西中郎長史行荊州事

明年上遣玄慶西害藩鎮諸王玄慶至荊州欲以便宜從事昌寓曰僕受朝廷意寄翼輔外藩何容以殿下付君一介之使若朝廷必須殿下還當更聽後旨昭秀以此得還京師

江泌爲南康王子琳侍讀子琳爲明帝所害泌徃哭之淚盡以血親視殯塋乃去時廣漢王侍讀嚴桓之亦哭王盡哀

王皎爲晉安王子懋外兵參軍子懋叛明帝遣王玄邈及南北討使軍主裴叔業襲湓城中兵參軍子琳之說子懋重賂叔業子懋使琳之因說叔業請取子

懋叔業遣軍主徐玄慶將四百人隨琳之入城僚佐皆奔散唯周英及皎更移入城內子懋聞之歎曰不意吾府有義士二人琳之從二百人伏入齊子懋笑謂之曰不意涓陽翻成梟獍琳之以袖障面使人害之故人懼罪無敢至者唯英皎及董僧慧號哭盡哀為之喪殯

王思遠為建平王景素南徐州主簿深見禮遇景素被誅左右離散思遠親視殯塋手種松柏與廬江何昌寓沛郡劉琨上表理之事感朝廷景素女廢為庶人思遠分衣食以相資贍

梁庾於陵為齊隨王子隆荆州主簿子隆尋為明帝所害僚吏畏避莫有至者唯於陵獨留

陸閑者襄之父也為始安王遙光揚州治中遙光之據東府作亂或勸閑去之閑曰吾為人吏何所逃死臺軍攻陷城閑見執將刑第二子絳求代死不獲遂以身蔽刃刑者俱害之

徐摛為太子左衛率太清末侯景攻陷臺城時簡文居永福省賊衆奔入舉兵上殿侍衛奔散莫有存者摛嶷然侍立不動徐謂景曰侯公當以禮見何得如此凶儀遂折侯景令拜繇是景嘗憚摛帝嗣位進授

左衛將軍固辭不拜帝後被幽閉摘不獲朝因感氣疾而卒

嚴植之仕齊爲廣漢王國右嘗侍王誅國人莫敢視植之獨奔哭于營殯殮徒跣送喪墓所爲起冢塋畢乃還當時義之

陳蕭允初仕梁爲太子洗馬侯景攻陷臺城百僚奔散允獨整衣冠坐于官坊景軍敬焉弗之逼也

司馬暘仕梁爲太子庶子江陵陷隨例入關而梁室屠戮太子瘞殯失所暘以官臣乃抗表周朝求還江陵改塋辭甚酸切周朝優詔答曰昔主父從戮孔車

有長者之風彭越就誅欒布得陪臣之禮庶子鄉國已改猶懷送往之情始驗忠貞方知臣道即勅荊州以禮安厝

顧越文帝時爲黃門侍郎東宮皇太子嘗虛已禮接越以宮僚未盡時彥且太子仁弱宣帝有奪宗之兆內懷憤激乃上疏曰臣梁世薄官祿不代耕季年板蕩竄身窮谷幸屬聖期得奉昌運朝廷以臣微涉藝學遠垂徵引擢臣以貴仕資臣以厚秩二宮恩遇有異凡泥木石知感犬馬識養臣獨何人罔懷報德伏惟皇太子天下之本養善春官臣陪侍經籍於今五

載如愚所見多有曠官輔弼丞凝未極時選至於文
 宗學府蕪潔正人當趨奉龍樓晨遊夕論嘗聞前聖
 格言往賢正道如此則非僻之語無從而入臣年事
 侵迫非有邀求正是懷此不言則為有負明聖敢奏
 狂瞽願留中不泄疏奏帝深感焉而竟不能改革
 殷不佞為太子通事舍人及文帝晏駕廢帝嗣位高
 宗為太傅錄尚書輔政甚為朝望所歸不佞素以名
 節自立又受委東宮乃與僕射到仲舉中書舍人劉
 師知尚書右丞王暹等謀矯詔出高宗衆人猶豫未
 敢先發不佞乃馳詣相府面宣勅令相王還第及事

發仲舉等皆伏誅高宗雅重不佞特赦之免其官而

已

後魏主雒兒明元在東宮時給事帳下帝嘗獵於灑

南灑水名在鴈門乘冰而濟冰陷沒馬雒兒投水奉帝出岸

水沒雒兒殆將凍死帝解衣以賜之自是恩寵日隆

元紹之逆帝左右唯雒兒與帳下師車路頭而已路頭

少以忠厚選給東宮書居山嶺夜還雒兒家雒兒隣人李道潛

相奉給晨復還山衆庶頗知喜而相告紹聞收道斬
 之雒兒猶冒難往還京都通問於大臣大臣遂出奉
 迎百姓奔赴明元還宮社稷獲又雒兒有功焉

册府元龜 忠於所事

卷之七百一十五

韓子熙為清河王懌嘗侍選郎中令及領軍元義害懌久不得葬子熙為之憂悴屏處田野每言王若不
得復封以禮遷葬誓以終身不仕後靈太后反政以
元義為尚書令解其領軍子熙與懌中大夫劉定興
學官令傅靈樹賓客張子慎伏闕上書曰竊惟故主
太傅清河王職綜樞衡位居論道盡忠貞以奉公竭
心膂以事國自先皇晏駕陛下冲幼負扈當朝義同
分陝宋維及掌小子性若青蠅汗白點黑讒佞是務
以元義皇姨之婿權勢攸歸遂相附託規求營利共
結圖謀坐生眉眼誣告國王枉以大逆賴明明在上

赫赫臨下泥緇自消王質還潔謹案律文諸告事不
實以其罪罪之維追無罪出為太郡刑賞僭差朝野
怪愕若非宋維與義為計豈得全其身命方撫千里
王以權在寵家塵謗紛雜恭慎之心逾深逾厲去其
本宅移住殿西闔門靜守親賓阻絕于時吏部諮稟
劉騰奏其第官郡戍兼補乃逕內呈為王駁退騰繇
此生嫌私深怨怒遂乃擅廢太后離隔二宮掠拷胡
定誣王行毒含齒戴髮莫不悲惋及會公卿議王之
罪莫不俛眉飲氣唯諾是從僕射游肇亢言厲氣發
憤成疾為王致死王之忠誠款篤節義純貞非但蘊

册府元龜

官臣部

十二

載胥衿實乃形於文翰搜括史傳撰顯忠錄區目十
篇分卷三十既欲彰忠心於萬代豈可爲逆亂於一
朝乞追遺志足明丹款又籍寵姻戚特握兵馬無君
之心實懷皂白擅廢太后枉害國王生殺之柄不繇
陛下賞罰之詔一出於義名藩重地皆其親黨京官
要任必其心腹中山王熙本興義兵不圖神器戮其
大逆合門滅盡遂令元略南奔爲國巨患奚康生國
之猛將盡忠棄市其餘枉被屠戮者不可稱數緣此
普天喪氣匝地憤傷致使朔隴猖狂歷歲爲亂荆徐
蠢動職是之繇昔趙高秉秦令關東鼎沸今元義執

權使四方雲擾自古及今竹帛所載賊子亂臣莫此
爲甚開逆之始起自宋維成禍之末良繇騰矣而令
逆徒姦黨迭相樹置高官厚祿任情自取非但臣等
痛恨終身仰爲聖朝懷慚負愧以臣赤心悽悽之見
義宜臬諸兩觀滂其舍廬騰合斲棺斬骸沉其五族
上謝天人幽隔之憤下報忠臣冤酷之痛方乃宗亞
三事委以樞端所謂虎也更傳其翼朝野切齒遐邇
扼腕蔓草難除去之宜盡歷觀曠代緬追振古當斷
不斷其禍更生况義猜忍尚居衡要臣中霄永歎竊
以寒心實願宸鑒早爲之所臣等潜伏間閭於茲六

載旦號白日夕泣星辰叩地寂寥呼天無响衛野納
肝秦庭夜哭千古之痛何足相比今幸遇陛下睿聖
觀覽萬機太后仁明更撫四海臣等敢詣闕披陳乞
報寃毒書奏靈太后義之乃引子熙為舍人後遂剖
騰棺賜義死

比齊魏收為太子少傅文宣每以酣宴之次云太子
性懦宗社事重終當傳位嘗山收謂楊愔曰古人云
太子國之根本不可動搖至尊三爵後每言傳位嘗
山令臣下疑貳若實便須決行此言非戲魏收既忝
師傳正當守之以死但恐國家不安愔以收言於帝

自此便止

孫靈暉為南陽王綽師綽死後每至七日至於百日
靈暉嘗為請僧設齋轉經行道
隋姚最為蜀王秀友秀鎮益州遷秀府司馬秀後陰
有異謀文帝令公卿窮治其事開府慶整郝偉等並
推過於秀最獨曰凡有不法皆最所為王實不知也
榜訊數百卒無異詞竟坐誅論者義之

王延為秦王俊府將性忠厚領親信兵十餘年俊甚
禮之及俊有疾嘗在閣下衣不解帶俊薨勺飲不入
口者數日羸頓骨立文帝聞而憫之賜以御藥授驃

騎將軍典宿衛俊莖之日延號慟而絕帝歎異之令
通事舍人弔祭焉詔莖延於俊側

唐李綱初仕周爲齊王憲參軍宣帝將害憲召僚屬
證成其罪綱誓之以死終無撓辭

姚思廉初仕隋爲代王侍讀屬義師平京城府寮駭
散唯思廉侍王不離其側大言曰義師本扶王室卿
等不宜無禮於王衆服其言於是布列階下湏臾太
宗至聞而義之許其扶王室順陽閣下泣拜而去觀
者咸歎曰忠烈之士也仁者有勇此之謂乎太宗居
藩引爲文學及親征徐九郎思廉時在維陽太宗嘗

從容言及隋亡之事慨然曰姚思廉不懼兵刃以明
大節求諸古人亦何以加也因寄物百段遺其書曰
想卿節義之風故有斯贈後爲文學館學士寫其形
像列於十八學士圖令文二褚亮爲之贊曰志古精
勤紀言實錄臨危殉義餘風厲俗

王珪爲太子中允劉黑闥反珪及魏徵謂太子建成
曰殿下但以地居嫡長爰踐元良功績既無可稱仁
聲又未遐布而秦王勲業克隆威震四海人心所向
殿下何以自安今黑闥率破亡之餘衆不盈萬加以
糧運阻絕瘡痍未瘳若大軍一臨可不戰而擒也願

請討之且以立功深自封植因結山東英俊建成從其計遂請討劉黑闥擒之而旋張公謹個儻好奇略太宗引入幕府時太宗功德甚隆每為建成元吉之所譖毀因召公謹訪以自安之術對甚合旨未見親遇及建成將為亂公謹與長孫無忌等九人奉太宗於玄武門以討亂其黨來犯玄武門公謹閉門以拒之以功累轉右武侯將軍封定遠縣公邑二千戶別食一千戶魏徵為隱太子洗馬甚禮之徵見太宗勲業日隆每勸建成早為之所及敗太宗使召之謂曰汝離間我

兄弟何也徵曰皇太子若從徵言必無今日之禍太宗素器之引為詹事主簿

尉遲敬德為秦王府副護兵隱太子巢刺王之有異謀也乃致書於敬德贈以金器物一車敬德拒之不受因以啓聞太宗謂曰公之素心鬱如山岳積金以至斗極未能動公之情何須慮也元吉等深忌之乃令壯士往刺敬德覺之終不能害乃譖敬德於高祖囚之於大理并拘其親屬訊驗無狀然後得釋會突厥侵擾河西建成與元吉為將西討相與陰謀請太宗同送於昆池因欲肆其凶逆敬德既聞其謀遽啓

其事且曰大王若不速正之則恐被其圖害然後社稷危矣太宗嘆而言曰如公之言寡人實有茲慮然一旦倉卒其若在上驚動何其若骨肉痛傷何同懷之情終所不忍時房玄齡杜如晦皆被斥在外不得復入太宗密令長孫無忌召之玄齡等報曰有勅不許更得事王今若私謁必至誅滅不敢奉命太宗大怒謂敬德曰玄齡如晦召之不來果背我也乃取所佩刀以授敬德曰以賜公且往觀玄齡等意若無來意且斬其首以進也玄齡聞之惶懼因隨敬德服道士衣以謁敬德朝夕進勸太宗猶豫未決敬德固諍

十返然後計定二凶既誅高祖汎舟海池太宗乃令敬德身往侍衛高祖意乃安於是賜以珍物敬德並辭而不受事平之後授太子左衛率
段志玄大業末隨父在太原義兵起志玄召募得千餘人授軍頭從太宗後轉右護軍隱太子及齊王元吉競以金帛誘之志玄拒而不顧每以白太宗及郎位遷左驍衛大將軍
程知節爲秦王府左三統軍爲隱太子所忌構之於高祖除康州刺史知節白太宗曰大王手臂今並剪除身必不久知節以死不去願速自全遂從討建成

元吉事定拜太子右衛率

薛萬轍爲車騎將軍封武安縣公隱太子建成引置左右建成被誅萬轍率宮兵戰於玄武門鼓噪將入秦府將士大懼乃以建成首示之萬轍以十餘騎亡於終南山太宗累遣使諭意萬轍釋伏而來太宗以其忠於所事不之罪也

李安嚴與隱太子同取鄭氏因事東宮及建成敗率兵拒戰太宗以爲忠於所事故漸任用之

謝叔方事巢刺王元吉數有戰功元吉與隱太子作亂太宗討逆于玄武門叔方率府兵與東宮率馮立合軍拒戰於北闕下殺屯雲將軍敬君引中郎將呂衡俄而尉遲敬德傳元吉首以示之叔方號哭而遁明日出首太宗曰義士也命釋之

李義琰爲太子右庶子章懷太子之廢也高宗慰勉官僚盡捨罪令復其位薛元超等皆舞蹈謝恩義琰獨引罪涕泣時論美之

李安仁爲太子右庶子顯慶元年皇太子忠旣廢黜官僚皆懼罪亡匿無敢見者安仁獨候忠涕泣拜辭而去時論美之

昵狎

夫出入承華游從博望皆調護斯屬羽儀攸寄者也
固當敦厚爲德教導是先其有怠棄典禮昵狎元良
追隨禁闈之中群言用恤陪侍杯筵之右酣飲過差
近失師資遠貽譏謗豈足以增前星之元彩繼南山
之軌躅焉

漢昌邑王賀從官騶宰奴二百餘人嘗與居禁闈內
教戲

魏劉楨字公幹爲文帝五官將文學與王粲等並見
友善帝嘗賜楨廓落帶其後師死欲借取以爲像因
書嘲楨云夫物因人爲貴故在賤者之手不御至尊

之側今雖取之勿嫌其不取也楨答曰楨聞荆山之
璞躍元后之寶隋侯之珠燭庶士之好南垠之金登
窈窕之首麗貂之尾綴侍臣之幘此四寶者伏朽石
之下潛汗泥之中而揚光千載之上發彩疇堵之外
亦皆未能初自接於至尊也夫尊者所服卑者所脩
也貴者所御賤者所先也故厦屋初成而大匠先立
其下嘉禾始熟而農夫先嘗其粒楨所帶無他妙飾
若實殊異尚可納也楨辭旨巧妙皆如是繇是特爲
諸公子所親愛其後太子嘗請諸文學酒酣坐歡命
夫人甄氏出拜坐中衆人咸伏而楨獨平視太祖聞

之乃收楨減死輸作
吳質文帝初爲五官將時質以才學通博爲五官將
及諸侯所禮及卽位嘗召質及曹休歡會命郭后出
見質等曰卿諦視之其親昵如此
晉殷仲堪能清言善屬文孝武爲太子召爲中庶子
甚相親愛

陳江總爲太子詹事共太子爲長夜之飲養良娣陳
氏爲女太子微行遊總家宣帝怒而免之
後魏盧內領太保錄尚書事魯元之少子內給侍東
宮恭宗深暱之嘗與卧起同衣父子有寵兩宮勢傾

天下

郭祚領太子少師孝明在東宮幼弱祚嘗隨宣武幸
東宮懷一黃鬴出奉太子時應詔左右趙桃弓及祚
皆私狎之時人謂之桃弓僕射黃鬴少師
北齊和士開爲長廣王府參軍王性好握槊士開善
於此戲繇是遂有斯舉加以傾巧便辟又能彈胡琵琶
因此親狎嘗謂王曰殿下非天人也是天帝也王
曰卿非世人也是世神也其深相愛重如此文宣知
其輕薄不欲令王與小人相親善責其戲狎過度徙
之馬城

隋鄭譯仕周爲太子宫尹坐褻狎皇太子武帝大怒除名爲民太子復召之譯戲狎如初因言於太子曰殿下何時可得據天下太子悅而益昵之

唐令則爲太子左庶子太子勇昵狎之每令以絃歌教內人時劉行本亦爲左庶子責之曰庶子當輔太子以正道何有嬖昵房帷之間哉令則甚慙而不能改又太子歲首宴宮臣令則自請奏琵琶又歌武媚娘之曲洗馬李綱白太子曰令則身任官卿職當調護乃於宴坐自比優倡進淫聲以穢視聽事若上聞罪在不測豈不累於殿下臣請正其罪勇曰我欲爲

樂耳君勿多事綱趨而出

夏侯福爲太子左衛率長史爲太子勇所昵嘗於閣內與太子戲福大笑聲聞於外左庶子劉行本時在閣下聞之待其出行本數之曰殿下寬容賜汝顏色汝何物小人敢爲褻慢因付執法者治之數日太子爲福致請乃釋

劉臻爲太子勇東宮學士甚褻狎之

柳誓爲晉王諮議叅軍王爲太子引誓爲東宮學士加通直散騎掌侍簡較洗馬甚見親待每召入卧內與之宴譖誓尤俊辯多在侍從有所顧問答應如響

性又嗜酒言雜俳諧繇是彌為太子所親狎

唐楊璈中宗世為秘書監大嘗卿武崇訓並簡較太子賓客在職不能謹言正議以申調護之禮唯以打毬猥戲取媚於太子故大為時論所譏

罪譴

夫任處儲官職叅王府自非才行優著藝術精明故不可以贊於重離資於盤石若乃失調護之方忘輔導之訓忠言不發善道靡彰呢狎小人陰圖非望以至自貶官謗坐速刑章者不亦宜乎

漢公孫詭為梁孝王中尉初景帝廢栗太子太后心

欲以梁王為嗣大臣及袁盎等有所開說於帝太后

議格

音閣

梁王怒袁盎及議臣乃與詭及羊勝之屬謀

陰使人刺殺盎及他議臣十餘人賊未得也於是天

子意梁

意疑也

逐賊果梁使之遣使冠蓋相望於道覆

案梁事捕公孫詭羊勝皆匿王後宮使者責二千石

急梁相軒丘豹

姓軒丘名豹

及內史安國

即韓安國

皆泣諫王

王乃令勝詭皆自殺出之

枚臯為梁恭王郎

恭王名買孝王子也

三年為王使與宄從事

宄從散職之從王者也

見讒惡遇罪

惡謂宄從言其短惡之事

室家没入官

臯亡至長安會赦

許廣漢為昌邑王郎從武帝上甘泉誤取它郎鞍以
被其馬發覺吏劾從行而盜當死有詔募下蠶

死罪囚欲

聽之 聽官者

王式為昌邑王師為王廢式繫獄當死治事使者責

問曰師何以亡諫書式對曰臣以詩三百五篇朝夕

授王至於忠臣孝子之篇未嘗不為王反覆誦之也

復日方切至於危亡失道之君未嘗不流涕為王深陳之

也臣以三百五篇諫是以亡諫書使者以聞亦得減

死論

王吉為昌邑王賀中尉後賀即位二十餘日以行淫

亂廢昌邑群臣坐在國時不舉奏王罪過令漢朝不

聞知又不能輔道陷王大惡

道讀日導

皆下獄誅唯吉與

郎中令龔遂忠直數諫正得減死髡為城旦

後漢楚王英既以不道廢徙丹陽涇縣乃悉出楚官

屬無辟語者

師遷為陳愍工寵國相靈帝熹平二年遷奏前相魏

愔與寵共祭天神希幸非異罪至不道有司奏遣使

者案驗詔檻車傳送愔詣北寺詔獄使中嘗侍王酺

一作王甫與尚書令侍御史雜考愔辭與王共祭黃老君

求長生福而已無他異幸酺等奏愔職在規正而所

為不端遷誣告其王罔以不道皆誅死有詔赦寵不
案

魏楚王彪有罪自殺彪之官屬以下及監國謁者坐
知情無輔導之義皆伏誅

晉江統為太子洗馬太子奢費過度統上書諫及太
子廢徙許昌

南齊張克為武陵王友坐書與尚書令王儉辟旨激
揚御史中丞到撫所奏免官禁錮論者以為有恨於
儉也

梁王僧孺高祖天監中為南康王長史行府州國事
王典籤湯道愍暱于王用事府內僧孺每截抑之道
愍遂謗訟僧孺建詣南司奉牋辟府曰下官不能避
溺山隅而正冠李下既貽疵辱方致殺繩解籙收簪
且歸初服竊以董生偉器止相驕王賈子上才爰傳
卑土下官生年有值謬仰清塵假翼西雍竊步東門
多慙祇服取亂長裾高榻相望直居坐右長階如畫
獨在僚端借其從容之詞假以寬和之色恩禮遠過
申白榮望多厠應徐厚德難逢小人易悅方謂離腸
隕首不足以報一言露膽披誠何能以酬屢顧寧謂
尉羅裁舉微禽先落閭闔始吹細草仍墜一辟九眈

方去五雲縱天網是漏聖恩可恃亦復孰寄心骸何
施眉目方當橫潭亂海就魚鱉而為群披榛捫樹從
虺蛇而相伍豈復仰聽金聲式瞻玉色顧步高軒悲
如霰委踟躕下席淚若縷縻僧孺坐免官

後魏馮誕為太子太師孝文謂其無師傅獎道風誕
深自悔責

游肇為中庶子孝文謂曰自建承華已經一稔然東
宮之官無直言之士雖未經三載事須考黜肇及中
舍人李平識學可觀可為中庶子安樂王詮可為下
中解東華之任退負外散騎嘗侍馮夙可為下下免

中庶子免爵兩任負外嘗侍如故中舍人間賢保可
為下下退為武騎都尉

隋帝世約高祖開皇中為太子洗馬兄冲為南寧州
總管士卒縱暴益州長史元巖治其事無所寬貸世
約譖巖於皇太子帝謂太子曰古人有沽酒酸而不
售者為筮大耳今何用世約乎適累汝也世約遂除
名

柳肅開皇中為太子僕太子廢坐除名為民
柳謩之煬帝大業中為齊王長史王擅寵左右放縱
喬令則之徒深見昵狎謩之雖知其罪失不能輔正

及王得罪謫之竟坐除名

唐韋挺高祖武德中爲太子左衛驃騎簡較左衛率
隱太子恩遇甚隆官臣罕與爲比會有上事者稱挺
得幸於隱太子構扇兩端帝訊之有狀與王珪等同
流於越嶲

王珪武德中爲太子中允爲隱太子所禮後以連其
陰謀事流於嶺州

杜正倫太宗貞觀中爲中書侍郎兼太子左庶子時
太子承乾有足疾不能朝謁好昵近群小太宗謂正
倫曰我兒疾病乃可事也但全無令譽不聞愛賢好

善私所引接多是小人卿可察之若教示不得須來
告我正倫數諫不納乃以太宗語告之承乾抗表聞
奏太宗謂正倫曰何故漏洩我語對曰訓導不入故
以陛下語嚇之異其有懼或當反善帝怒出爲穀州
刺史

薛大鼎貞觀中爲齊王祐長史祐溺情群小大鼎屢
諫不聽太宗以鼎輔導無方竟坐免而以權萬紀代
之

張玄素貞觀中爲太子左庶子趙智引令狐德棻爲
右庶子僕王仁表家令崔知機並以材選用太子承

乾既敗太宗引大義以讓之皆免爲庶人
王勃高宗乾封初上東岳頌及乾元殿頌沛王賢奏
就府脩撰時諸王以鬪鷄爲戲勃作檄英王鷄文高
宗聞之曰迴車朝歌不踐勝毋者惡其名也勃之此
文恐成交構之漸斥勃不令入府

蓋文達爲蜀王師坐王非法免

蕭嵩玄宗開元中爲太子太師嘗以城南別業遺宦
者牛仙童仙童得罪嵩坐交通小人出爲青州刺史
令狐峘初爲衡州刺史李泌輔政召拜右庶子脩史
無何必卒竇叅秉政惡其爲人貶吉州刺史

蘇弁爲太子詹事初入朝班位失序殿中侍御史鄒
儒立對仗彈之弁於金吾待罪數刻特釋舊制太子
詹事班次大嘗宗正卿之下貞元三年御史中丞竇
叅叙言班位移詹事在河南大原尹之下弁乃引舊
班制立臺官詰之仍給云已白宰相請依舊故爲儒
立彈之

帝綬憲宗元和中爲諫議大夫充皇太子侍讀綬好
諧戲兼通人間小說太子因侍或以綬所譚言之他
日帝謂宰臣曰侍讀者當以經術輔導太子使深知
其君臣父子之教今或聞綬之談論有異於是豈導

太子者因命罷其職尋又出之

白居易元和中為太子左贊善大夫先是居易母因看花墜井死時居易作賞花及新井詩名教之士譏焉或以其事上言因命宰臣與居易遠州刺史中書舍人王淮上言居易所坐事跡不合理郡乃授江州司馬

後唐司徒詡為戶部員外郎秦王從榮之開府也朝廷以詡充河南府判官王之遇害例貶寧州尋移相州司馬

冊府元龜

冊府元龜

淮南李嗣京參閱

西極文翔鳳訂正

豫章黃國琦較釋

幕府部

總序

周禮六官六軍並有吏屬大則命於朝廷次則皆自辟除春秋諸國有軍司馬尉候之職而未有幕府之名戰國之際始謂將帥所治為幕府秦分天下為郡屬官有丞邊郡有長史主兵漢丞相三公開府置掾

冊府元龜

幕府部

卷之七百一十五

史司隸刺史有從事史佐京尹守相有掾史曹屬皆
 幕府之職也文帝二年丞相府置兩長史秩年右武
 帝時有三長史又分丞相長史為兩府 三長史蓋有
 守者非正員
 故也至劉屈釐為相始 元狩五年初置丞相司直比
 分丞相長史為兩府
 二千石掌佐丞相舉不法其餘寮屬之職逮於中興
 名次大備太傅太尉司空府皆有長史一人掾屬令
 史御屬各有差 大傅掾屬二十四人令史御屬三十
 二人太尉掾屬同太傅加置令史御
 屬一人司徒掾屬八人令史御屬十三人司空
 掾屬二人加置令史御屬八人正曰掾副曰
 屬
 長史掌署諸曹事掾屬則西曹主府史署用東曹
 主二千石長史遷除及軍吏戶曹主民戶祠祀農桑

奏曹主奏議辭曹主辭訟法曹主卸驛科程尉曹主
 卒徒轉運賊曹主盜賊決曹主罪法兵曹主兵金曹
 主貨幣鹽鐵倉曹主倉穀令史則有閣下令史主閣
 下威儀記室令史主上章表報書記門下令史主府
 門其餘令史各典曹文書御屬主為公御職如錄事
 太尉府別有黃閣主簿錄省衆事司空別有橋道掾
 主橋道大將軍驃騎將軍府有司馬一人從事中郎
 二人長史掾屬同司空府令史御屬減司徒府五人
 騎衛將軍無長史司馬又減大將軍掾屬九人御屬
 六人別有部集一人總知營事兵曹掾史主兵事器



械稟假掾史主稟假禁司外刺姦主罪法皆無員其
 願兵外討則營有五部部置較尉軍司馬各一人部
 有曲曲置軍候一人曲有屯屯置長一人若不置較
 尉則部但有軍司馬假軍候其別部則有別部司馬
 其餘將軍置以征伐者則府無員職唯有部曲司馬
 軍候以領兵其城門屯騎越騎步兵胡騎射聲等較
 尉各有司馬一人主兵使匈奴郎將護羌護烏桓等
 較尉皆置從事二人有事隨事置掾因而為員司隸
 較尉有從事史二十人假佐二十五人都官功曹別
 駕簿曹兵曹等從事主簿門亭長功曹書佐經師月

令師律令師簿曹都官等書佐皆無員所部郡國各
 有從事書佐一人刺史省都官從事改功曹從事為
 治中從事餘官同司隸河南京兆等尹有掾史五人
 四部督御史部掾二十六人案獄仁恕掾三人監津
 渠漕水掾二十五人卒史三百五十人文學守助掾
 六十人書佐五十人循行三百人幹小史二百一人
 郡守官屬有掾史督卸倉功等曹史不備載其職光武建武
 中置司徒司直尋省又罷邊郡丞以長史領職明帝
 增驃騎將軍長史掾史員為四十人四府長史掾史皆無四十人東
平王蒼為驃騎明帝特置四十人以優之和帝時竇憲為車騎將軍置官



屬如司空府又置中護軍一人與叅謀議安帝置右扶風都尉京兆虎牙都尉皆置諸曹掾史略如公府無東西曹及令史別有功曹史主選署功曹及諸曹事五部督御曹掾主監屬縣亭長主正門記室史主錄記書催期會閣下及諸曹各有佐幹主文書桓帝

元嘉二年置禮儀大將軍增掾屬令史置舍人各十

人時以梁冀為禮儀大將軍靈帝時以九卿出為州牧大嘗劉焉益州宗正

劉虞為幽州大僕黃琬為豫州其任漸重官屬有別駕從事史主財

穀簿書兵曹從事史主兵簿主錄閣下衆事省署文

書門亭長主州正門功曹書佐主選用考師主試經

月令師主時節祭祀律令師平律簿曹佐主簿書各

一人部郡從事史主察非法郡書典書佐主一郡文

書每郡各一人獻帝建安十二年置中護中軍領軍

各有長史司馬員魏武帝為丞相置左右長史各一

人徵事二人省西曹掾是時三國鼎峙官府吏屬各

因漢制如有正行叅軍行叅軍員後晉景帝為魏大

將軍置東西戶倉賊金水兵騎兵等曹掾各一人不

置屬文帝為相國府官置中衛驍衛二將軍左右長

史司馬從事中郎主簿各四人舍人十九人叅軍二

十二人叅戰十一人後復置左右戶賊金水兵等曹

屬各一人倉曹屬二人增置鎧集法奏等曹掾屬各
 一人士馬媒等曹屬各一人散屬九人晉初諸公開
 府位從公驃騎車騎衛將軍伏波撫軍都軍護鎮中
 軍四征四鎮龍驤典軍上軍輔國等大將
 軍左右光祿光祿三大
 夫開府者皆為位從公長史一人西東閣祭酒西東
 曹掾戶倉賊曹令史屬各一人御屬各下令史西東
 倉戶賊等曹令史門令史記室省事令史閣下記室
 書令史西東曹學事各一人司徒加置左右長史各
 一人主簿左西曹掾屬各一人改西曹為右西曹司
 空加置導橋掾一人其加兵者增置司馬一人從事
 中郎二人主簿記室督掾各一人舍人四人兵鎧士

曹營軍刺姦帳下都督外都督令史各一人為持節
 都督者增參軍六人驃騎以下及大將軍不開府非
 持節都督及三品將軍者置長史司馬各一人主簿
 功曹史門下督錄事兵鎧士賊曹營軍刺姦帳下都
 督功曹書佐門下書史各一人州刺史置別駕治中
 從事主簿門亭長錄事記室書佐諸曹佐守從事武
 猛從事都水從事等吏四十一人所領郡各置部從
 事一人邊州又置弓馬從事五十餘人徐州別置淮
 海從事涼州別置河渠從事荊州別置監佃督各一
 人涼益州又加置吏員八十五人郡置主簿主記室

門下賊曹議生門下史記室史錄事史書佐門下書
 佐循行幹小史五官掾功曹書佐循行小史五官掾
 文學掾等員 河南郡京師所在則置尹王國以內史
 掌太守事其吏屬並同凡郡國戶減五
 千者職五十人散吏十三人五千以上加職吏十三
 人散吏八人萬戶以上又加職吏六人散吏十八人
 武帝初置左右衛將軍亦有長史司馬功曹主簿員
 後安平獻王孚為大宰而分府兵鎧士營軍刺姦五
 曹增置屬楊駿為太傅又增祭酒為四人分兵曹為
 左右法金田集水戎軍馬等曹皆置屬趙王倫為相
 國置左右長史司馬從事中郎四人叅軍二十人主
 簿記室督祭酒各四人東西曹又置屬餘十八曹加

置掾諸曹又皆置御屬令史學幹等員東海王越為
 丞相府又置行叅軍兼行叅軍元帝初為鎮東將軍
 置錄事叅軍為丞相置從事中郎分掌諸曹有錄事
 度支三兵等中郎以諮議叅軍主諷議事有錄事記
 室東西度支戶法金倉理中兵外兵騎兵典兵兵賊
 運禁防典賓鎧用士騎士車直兵長流刑獄城局水
 右戶墨等曹其后公府止置長史倉曹掾戶曹屬東
 西閣祭酒各一人主簿舍人二人御屬二人令史無
 定員領兵者置司馬一人從事中郎二人叅軍無定
 員加崇者置左右長史司馬從事中郎四人掾屬四

人增置倉曹屬戶曹掾領兵者又置軍諮祭酒參軍
 督護以領兵中護中軍領軍府增置功曹主簿出征
 則置參軍時又有長兼參軍除拜則為參軍事五校
府版則為行參軍又為版行參軍
 亦置司馬功曹主簿員後省五校屯騎出兵越騎又
長水射聲校尉也
 罷左右衛將軍長史員成帝咸康中置江州別駕祭
 酒省諸郡丞宋高祖為相止置諮議錄事記室戶倉
 外兵騎兵長流賊刑獄城局法田水鎧士集右戶墨
 等曹參軍皆無員合中兵直兵置一參軍曹仍舊為
 二自後公府皆循其制而小府省長流參軍置禁防
 參軍諸府參軍督護罷領軍兵騎將軍以下為刺史

都督儀同三司者置官屬並如公府都督不帶儀同
 者不置從事中郎置公曹一人主吏在主簿上刺史
 則有別駕從事史治中從事從主簿西曹書佐祭酒
 從事史都郡從事史揚州無祭酒以主簿治事荊州
 別有從事史廣州徐州別有月令從事豫州別有長
 史參軍別駕西曹主吏及選事西曹郎漢之功曹也
治中主衆曹文書祭酒分掌諸曹事
 郡屬卒因前制文帝元嘉四年定置郡官略如公府
 無東西曹有功曹史主選舉五官掾主諸曹部縣有
 都御門亭長主記史催督期會齊州郡之職亦循前
 制三公府置左右長史左西曹掾屬主簿祭酒令史

從事中郎倉曹掾戶曹屬東西閣祭酒主簿舍人御
屬等員加崇者長史以下並增員數大將軍位從公
開府儀同等府置左長史司馬各一人諮議以下參
軍並同宋公府而城局以上曹署正參軍法以下曹
署行參軍無曹職爲專兼員梁諸公大將軍大司馬
等府置長史司馬諮議參軍掾屬從事中郎記室主
簿列曹參軍行參軍舍人等員司徒府則有左右長
史左西曹掾州別有文學從事郡官仍舊陳庶姓公
府置諮議參軍長史司馬從事中郎掾屬中錄事
中郎記室中直兵錄事記室中兵等參軍主簿祭酒參軍
等員庶姓持節府省從事中郎參軍別置功曹史餘
同公府庶姓非公不持節將軍止置長史主簿安蠻
戎越校尉中郎將止置長史司馬正員之外皆有版
授官自餘州郡之吏皆循梁制後魏起于伐北庶職
草創道武皇始元年初令州郡定置刺史太守而寮
屬未著至大和定令官制始詳三公大將軍府有司
馬長史元士諮議參軍主簿從事中郎參軍行記室
督掾屬舍人御屬令史閣下令史又有錄事參軍事
功曹記室戶倉中兵參軍事列曹行參軍行
參軍長兼行參軍參軍都督開府置長史從事中郎

諮議叅軍正叅軍主簿行叅軍記室督令史一品二
 品三品正從將軍開府別有功曹史無元士記室督
 掾屬舍人御屬令史其長馬諮議錄事及諸叅軍督
 護員並如公府四品五品正從將軍止置長史司馬
 主簿列曹叅軍列曹行叅軍中軍鎮軍撫軍有長史
 司馬中散行叅軍按督州有別駕功曹都官司事從
 事錄事從事史治中從事史主簿議曹從事史郡有
 功曹主簿通事等員宣武永平二年併省諸州諮議
 記室戶刑獄田水集士等曹叅軍孝莊初增大丞相
 大宰佐史時以爾朱榮為太丞孝靜天子中置京畿

相元天穆為大宰

大都督立府置佐而史闕其職後齊二大三公府無
 元士分戶曹為左右加置外兵騎兵長流城局刑獄
 等曹叅軍事東西閣祭酒法墨田水鎧集士等曹行
 叅軍餘並如後魏制司徒府加左右長史三公以下
 儀同三司開府者減記室倉城局田水鎧士等曹各
 一人領軍中領軍護軍中護軍府皆有長史司馬功
 曹主簿錄事等員其領軍府所領左右衛左右護軍
 府所領東西南北四中郎將府各減功曹錄事員而
 郎將府加置錄事叅軍統府錄事直兵功倉中兵外
 兵騎兵長流城局等叅軍法田鎧曹行叅軍司府牧

置別駕從事史治中從事史州都主簿西曹書佐記

室戶功金祖兵騎等曹都官法部郡等從事 主簿置史西曹

以下各置掾史清都郡置丞中正功曹主簿都御五官門下

督錄事主記議生功曹記室戶田金租兵騎賊法等

曹掾中部掾州刺史屬官有長史司馬錄事功倉中

兵等曹參軍事及掾史主簿及掾記室掾史外兵騎

兵長流城局刑獄等參軍參軍事及掾史參軍事法

墨田鎧集士等曹行參軍及掾史左戶掾史行參軍

長兼參軍參軍督護統府直兵箱錄事等員州屬官

有別駕從事史治中從事史州都先迎主簿主簿西

曹佐月令史祭酒從事史都郡從事早服從事典籤

及史門下督省事都錄事及史箱錄事史朝直刺姦

記室戶田金租兵左戶等掾史 上上州刺史府及州屬官佐吏共三百九

十三人上中上下州各差減十人中上州又減五十

一人中中中下州又差減十人下上州又減五十人

下中下下州郡太守屬官有丞中正先迎功曹先迎

又差減十人 主簿功曹主簿五官省事及西戶金租兵集等曹掾

佐大學博士助教大學生市長倉督等員 上上州太守官屬佐

吏共二百十二人上中上下郡各差減五人中上又

減四十五人中中中下郡又差減五人下郡又減四

十人下中下下後周六官之制公府有上大夫元士

統軍驃騎車騎柱國大將軍四征中鎮撫諸將軍府

有長史司馬司錄中郎掾屬列曹參軍戍副等員別將開府有長史司馬司錄呼藥別駕侍中列曹參軍等員隋三師不置府屬三公依後周置官寮而左右衛左右武衛左右武侯大將軍並有長史司馬錄事功倉兵騎曹參軍法鑿曹行參軍各一人行參軍左右衛武侯各六人武衛八人左右衛又各統親衛置開府儀同二府開府府官屬減功騎曹參軍鑿曹行參軍儀同府又減法曹行參軍餘如左右衛左右領左右府屬同開府府左右監開府別有行參軍四人餘官如左右府左右領軍府別有掾屬各一人明法

四人加行參軍十人餘官如左右衛後高祖又採後周之制置上柱國柱國上大將軍大將軍上開府儀同三司儀同三司上儀同三司儀同三司大都督帥都督總十一等上柱國府長史司馬諮議參軍事掾屬各一人功曹記室戶倉兵騎兵城局等曹參軍事各一人參軍事五人法田水鑿士等曹行參軍各一人行參軍十二人典籤二人國柱省騎兵參軍事水曹行參軍員減參軍事行參軍各一人上大將軍又省諮議參軍事田鑿曹行參軍員又減行參軍一人大將軍又省掾屬員減參軍事二人上開府又省法

士曹行參軍事參軍事員開府又省典籤員減行參
 軍二人上儀同又省功曹城局參軍事員又減行參
 軍事三人儀同又省倉曹員減行參軍二人又令三
 師三公置府佐與柱國同雍州收置別駕贊務州都
 郡正主簿錄事西曹書佐金戶兵法士等曹從事部
 都從事武猛從事并佐史等員五百二十人京兆尹
 置丞正功曹主簿金戶兵法士等曹佐并佐史等員
 二百四十四人州刺史置長史司馬錄事功戶兵等
 曹參軍法士曹行參軍典籤州都光初主簿郡正主
 簿西曹書佐祭酒從事部郡從事倉督市令丞并佐

史等員

上上州三百二十三人上中州減十二人下
 州又減十六人中上州又減二十九人下中

中中上州又差減二十人下上州又減十
 人下中州又減十五人下下州又減二人郡太守置

丞尉正光初主簿縣正功曹主簿西倉戶兵法士等

官曹市令佐史等員

上上郡一百四十六人上中郡
 減五人上下郡又減四人中上

郡又減十九人中中郡又減六人中下郡又減五人
 下上郡又減十九人下中郡又減五人下下郡又減

六開皇二年罷郡以州統縣改別駕贊務為長史司

馬罷辟署令吏部除授品官為州郡佐官四年一遷

以曹為名者並改為司

自兩漢以降府幕官都自辟
 署亦有朝命者梁魏以來州

都縣正以下皆州郡自調用理時
 事至是以為鄉官始以品官總職開皇十二年悉改

諸州司從事為參軍十五年盡罷州郡鄉官煬帝即

位置十二衛將軍各有長史錄事司倉兵騎鎧等曹
 左右翊衛又有親侍鷹揚二府各有司馬長史兵倉
 曹左右侯衛別置察非掾二人罷州置郡罷長史司
 馬贊務一人以二之次置東西掾主簿司功倉戶兵
 法士等書佐各因郡之大小而為增減改行參軍為
 行書佐其後諸郡又加置通守一人改贊務為丞位
 在通守下唐丞相之務歸于臺省三公無官屬改郡
 為州仍置總管之職武德四年始改總管為都督府
 貞觀中分為二等大都督府有長史司馬錄事參軍
 錄事六曹參軍事各二員 功士曹 一員 參軍事典獄問事

丞佐史倉督等員有差中都督府別有別駕一人餘
 官竝同大都督府上州中州刺史府官同中都督府
 下州刺史省長史餘與中州同其大都護府無別駕
 士曹及參軍事以下員上都督府又無法曹員餘同
 上州又因隋制置十二衛皆有衛佐 長史錄事倉兵 騎等曹參軍司
皆中候司戈執戟奉車都尉等員龍朔二年置左右
羽林軍開元二十七年置左右龍武軍官屬同十二
衛佐又有十六衛將軍正有 則天長壽中有經畧使
 睿宗景雲後有節度使肅宗至德後有觀察使明皇
 天寶後有團練防禦使節度使之屬有副使一人行
 軍司馬一人判官二人掌書記一人參謀無員隨軍



四人觀察使有判官支使經畧使有判官等員其後節度觀察使防禦團練皆有推官巡官之職兼度支營田招討使者又有度支營田等判官自是正為幕府之職自後上佐曹官皆為州縣之職更不復紀其有軍輟若都虞候都知兵馬使之比有武功參軍謀者則附次焉皆奏請有出身人及六品以下正員官為之唯兩省供奉尚書省御史臺見任郎官不得奏請其辟署未有官者皆謂之攝自從諸使兵馬留後兩京留守後置判官鹽鐵度支及場院使亦置判官推巡之職後唐莊宗同光二年令諸道節度副使兩使判官朝廷除授外幕不職吏皆委本道選任明宗天

成二年又限諸藩鎮幕職不得兼錄事參軍鄴都管內諸州錄事參軍不得兼防禦判官始改刺史州防團判官為軍事判官晉高祖天福二年又限防禦團練刺史不得奏未有官人為從事漢乾祐元年又禁諸道不得奏薦行軍副使兩使判官周世宗顯德二年始令刺史州置軍士推官一員原其參佐將幕裨贊公府承刺舉之職分守相之務而能左右宣力出入盡規潔素靡渝亮直是與建謀議而惟允集勲伐以居多竭乃忠誠膺其倚賴至于懿文秀茂明識淵粹承辟署之美膺棟求之重及貪墨自恣回邪是圖

憲法所罹罪累連及竝用論次以儆方來凡幕府部一十六門

選任 倚任

選任

夫任官惟賢前經之不訓以能詔事三代之達道二漢之際始盛賓佐之選故辟署之命行焉施及鼎國興戎右武晉宋以降藩寄彌重其或誓師遣將建牙開府竝建宗室出臨屏翰以至掌司留務委之腹心尊崇宰弼重其叅贊則必簡乎朝議精擇素望既咨其策畫亦賴其傳導至乃取于近侍輟自高位豈非

慎重大事貴經武之有功協比正人興茂親之盛德者也

魏杜襲為太祖丞相長史從討漢中太祖東之當選留府長史鎮守長安主者所選多不當太祖令曰釋騏驥而不乘焉皇皇而更索遂以襲為留府長史駐關中

張緝為溫令會蜀相諸葛亮出緝上便宜詔以問中書令孫資資以為有籌畧遂召拜騎都尉遣叅征蜀軍

晉王舒為溧陽令明帝之為東中郎將妙選上佐以

舒為司馬轉後將軍宣城公褚裒諮議參軍頓領望
府咸稱明練

宋張邵為高祖楊州主簿世子始開征虜府以郡為
錄事參軍遷諮議參軍領記室

張敷少整貴文韻端雅武帝聞其美召見奇之曰真
千里駒也以為世子中軍參軍

袁洵元嘉中累歷顯官盧陵王紹為南中郎將江州
刺史少年未親政以洵為長史尋陽太守行府州事

張暢為尚書主客郎未拜除江夏王義恭征北記室
參軍孝武鎮彭城暢為安北長史沛郡太守元嘉末

暢履行盱眙城欲立太鎮時魏軍聲去當出襄陽故
以暢為南譙王義宣司空長史

張永為左衛將軍免官時孝武寵子新安王子鸞為
南徐州刺史割吳郡屬徐州起永為別駕從事史

南齊張融字思光吳人宋孝武聞融有早譽解褐為
新安王北中郎參軍

張岱初仕宋為撫軍諮議參軍領山陰令時巴陵王
休若為北徐州未親政事以岱為冠軍諮議參軍領

彭城太守行府州國事後臨海王為征虜廣州為豫
章王為車騎揚州晉安王為征虜南交州岱歷三府

詔議遷驃騎長史領廣陵太守新安王子鸞以盛寵
為南徐州高選佐史孝武召岱謂之曰卿美效夙著
兼資官已多今欲用卿為子鸞摠刺史之任無謂小
屈終當大伸也

王琨初仕宋為歷陽內史孝武以琨忠實徙為寵子
新安王東中郎長史歷右衛將軍度支尚書出為永
嘉王左軍始安王征虜二府長史皆孝武諸子也
王僧虔初仕宋自太子庶子出為豫章王子尚撫軍
長史遷散騎嘗侍復出為新安王子鸞北中郎長史
二藩皆孝武之愛子也

陸慧曉為太子洗馬建元初武陵王曄守會稽太祖
為精選僚吏以慧曉為征虜功曹

王績為東陽太守武帝為撫軍時吏部尚書張岱選
績為長史呈選牒太祖笑謂岱曰此素望也

張仲建武中為廬陵王北中郎司馬未拜豐城公遙
昌為豫州帝慮寇未已徙仲為征虜長史南梁郡太
守

胡諧之為武帝江州別駕文惠太子初鎮襄陽帝以
諧之心腹出為北中郎征虜司馬扶風守爵關內侯
在鎮毗贊甚有心力



崔慧景為南郡內史南蠻長史加輔國將軍內史如
 故先是蠻府置佐用資甚輕至是始重其選
 孔琇之為吳興太守時明帝輔政防制諸藩致密旨
 子上佐隆昌元年遷琇之為寧朔將軍晉熙王冠軍
 長史江夏內史行郢州事
 梁張率字士簡為秘書丞直壽光省晉安王戍石頭
 以率為雲麾中記室王遷南兖州轉宣毅諮議參軍
 竝記室王還都率除中書侍郎王為荊州復以率為
 宣惠諮議領江陵令府遷江州以諮議領記室出監
 豫章臨川郡率在府十年恩禮甚篤

到漑為湘東王繹輕車長史行府郡事武帝勅繹曰
 到漑非直為汝行事足為汝師

江革為少府卿時武陵王在東州頗自驕縱高祖召

革面勅曰武陵王年少減盾性弱盾王之官屬也不能規正

欲以卿代為行事非卿不可不得有辭乃除折衝將
 軍東中郎武陵王長史會稽郡丞行府州事

後魏鄧述為齊州刺史初改置百官始重公府元佐
 時大傅元丕出為并州刺史以述為太傅長史帶太
 原大守

乃整字景智少有大度頗涉書史為郡功曹太和十

五年奉朝請孝文都雜親自臨選除司空法曹參軍
從帝南討命廣陽王嘉鎮荊州以整爲嘉外兵參軍
事

崔珽爲典屬國下大夫太和十八年大將軍宋王劉
昶南鎮彭城詔假立義將軍爲昶府長史珽以疾辭
免乃以王肅爲長史

李憑唐茂盧尚之孝文時趙郡王幹爲都督冀定瀛
三州諸軍事詔以憑爲長史茂爲司馬尚之爲諮議
參軍以輔弼之

傳永字修期爲任城王長史王肅之爲豫州以永爲
平南長史咸陽王禧慮肅難信言于孝文孝文曰已
選傳修期爲其長史雖威儀不足而文武有餘矣肅
以永宿士禮之甚厚永亦以肅爲孝文眷遇盡心事
之情義至穆

崔鴻爲尚書都兵郎中永平初豫州城人白早生殺
刺史司馬悅據懸瓠叛詔鎮南將軍邢密討之以鴻
爲行臺鎮南長史

李系爲主客郎齊文襄攝選以系爲司徒諮議參軍
因謂之曰自郎署至此所謂不次以卿人才故有此
舉耳

後周薛寘西魏末爲中書令時車騎大將軍儀同三司燕公于謹征江陵以寘爲司錄軍中謀畧寘竝叅之

薛端字仁直太祖時大軍東討以柱國李弼爲別道元帥妙簡英僚數日不定帝謂弼曰爲公思得一長史無過薛端對曰真才也乃遣之

樂遜爲小師氏下大夫以經術教授譙王儉以下及衛公直鎮蒲州以遜爲直府主簿加車騎將軍右光祿大夫

隋元巖爲兵部尚書高祖初卽位遣晉王廣鎮并州蜀王秀鎮益州盛選寮佐於時巖與王韶俱以骨鯁知名物議稱二人才具侔於高穎由是拜巖爲益州摠管長史韶爲河北道行臺右僕射高祖謂之曰公宰相大器今屈輔我兒亦如曹叅相齊之意也及巖到官法令明肅吏民稱焉

令狐熉爲上開府會蜀王秀出鎮於蜀綱紀之選盛屬正人以熉爲益州摠管長史楊昇爲宗正少卿蜀王秀之鎮益州也朝廷盛選綱紀以昇方直拜益州摠管長史賜錢二十萬縑三百匹馬五十匹而遣之

宇文弼領太子虞侯時朝廷以晉陽爲重鎮并州摠
管必屬親王長史司馬亦一時高選前長史王韶卒
以弼有文武幹用出爲并州長史

皇甫誕開皇中爲尚書左丞時漢王諒爲并州摠管
朝廷盛選寮佐前後長史司馬一時名士高祖以誕
公方著稱拜并州摠管司摠管政事一以諮之諒甚
敬焉

趙軌開皇中自齊州別駕徵至京師時衛王爽爲原
州摠管高祖見爽年少以軌所在有聲授原州摠管
司馬

源師爲尚書右丞時蜀王秀頗違法度乃以師爲益
州摠管司馬

劉臻開皇中爲儀同三司左僕射高頴之代陳也以
臻隨軍典文翰進爵爲伯

唐宇文歆爲右衛將軍武德初齊王元吉爲并州摠
管時劉武周南侵汾晉遣歆助元吉守并州

封倫爲內史侍郎武德初太宗之討王世克高祖召
倫參謀軍事以功封平原縣公兼天策府司馬

溫彥博爲中書侍郎武德中突厥入寇高祖命右衛
大將軍張理爲并州道行軍摠管出拒之以彥博爲

行軍長史

竇昭爲少卿監天寶末玄宗幸蜀以永王璘爲山南東路及黔中江南西路節度度支採訪以昭爲之副鄧景山爲隴西太守天寶末玄宗以豐王珙爲威武都督領河西隴右安西北庭等路節度採訪使以景山爲之副
裴冕爲御史中丞肅宗卽位於靈武以元子廣平王領朔方河東河北三道節度使以冕爲之副
蘇震爲吏部侍郎暢瓘爲諫議大夫至德初肅宗以廣平王爲天下兵馬元帥以震瓘爲副使判官

李進爲御史中丞寶應初代宗以元帥雍王統河東朔方及諸道行營兵馬時迴紇兵馬十餘萬東討逆賊史朝義以進爲行軍司馬又以中書舍人常少華爲掌書記

李復大曆中歷江陵府司錄江陵少尹建中初李希烈背叛荆南節度張伯儀數出兵爲希烈所敗時朝廷憂之以復久在江陵得軍州人心時復在母喪乃起復爲江陵少尹兼中丞克節度行軍司馬

蕭復爲兵部侍郎建中末晉王誼爲揚州大都督持節荆襄江西沔鄂等道節度使兼諸將軍行營兵馬

都元帥討李希烈以復為戶部尚書兼御史大夫克

帥統軍長史

舊令有行軍長史以復父名衡更之

又以新除潭州刺史

孔巢父為右庶子兼御史中丞行軍左司馬山南東

道節度行軍司馬檢校兵部郎樊澤為諫議大夫兼

御史中丞行軍右司馬刑部員外郎劉從一為吏部

郎中侍御史常贊為工部郎中并兼御史中丞克判

官兵部員外郎高參為兵部郎中掌書記右金吾衛

大將軍渾瑊為簡較工部尚書兼御史大夫為中軍

虞侯又以左散騎嘗侍歸崇敬參謀

會朱泚亂不行

陸長源為汝州刺史貞元中董晉為宣武軍節度朝

廷恐晉柔懦尋以長源為晉行軍司馬

李景畧為左羽林將軍貞元中對於延英殿奏論術

術有大臣風采時河東李說有疾詔以景畧為大原

少尹節度行軍司馬時方鎮節度使少徵入換代者

皆死亡乃命為行軍司馬盡簡自上意受命之日人

心屬之

鄒士美未冠為陽翟丞李抱真鎮潞州邀為從事雅

有參贊之績其後易二帥皆詔士美佐之

裴向為戶部員外郎德宗季年天下方鎮副倖多選

自于朝防一日有變遂就授之節制向以選為太原

少尹德宗召見喻旨尋用爲行軍司馬兼御史中丞
辛秘爲湖州刺史僉以材任將帥元和初太原節度
范希朝頒全師出討王承宗詔徵秘爲河東行軍司
馬

崔弘禮爲棣州刺史元和中魏博田弘正請入覲思
得副其事者弘禮以選授衛州刺史克魏博節度副
使久之除鄭州刺史長慶元年劉摠入覲張弘靖移
鎮范陽復以弘禮簡較左散騎嘗侍克幽州盧龍軍
節度副使

胡証爲長安縣令元和中田弘正以魏博內屬詔証
以左庶子爲之副

馬摠爲刑部侍郎元和十二年門下侍郎平章事裴
度出爲彰義軍節度淮西宣尉處置等使憲宗以摠
兼御史大夫克副使右庶子韓愈兼御史中丞克行
軍司馬司勳員外郎李正封都官員外郎馮宿禮部
員外郎李宗閔並兼侍御史克判官書記

錢可復爲禮部郎中大和末翰林侍講學士工部尚
書鄭注出鎮鳳翔文宗以可復爲簡較兵部郎中兼
御史中丞克鳳翔行軍司馬兼賜紫以駕部員外郎
盧簡能爲簡較司封郎中兼侍御史克鳳翔節度判

官以王客員外郎蕭傑爲簡較工部郎中兼侍御史
克鳳翔觀察判官竝賜緋以左拾遺盧茂弘爲鳳翔
節度掌書記

後唐任圜爲工部尚書同光二年魏王繼岌爲伐蜀
行營都統莊宗以圜及翰林學士李愚從王出征叅
預軍機

任贊爲刑部侍郎長興四年秦王從榮爲兵馬元帥
以贊爲兵部侍郎克元帥府判官

馬義爲北部郎中天福中以爲簡較尚書吏部郎中
兼御史中丞克河陽節度判官朝廷選佐皇子故也

漢張允初仕後唐爲兵部員外郎知制誥清泰初皇
子重美爲河南尹典六軍諸衛事時朝廷選叅佐以
允剛介改給事中克六軍判官

周張可復爲左諫議大夫漢乾祐初湘陰公鎮徐方
朝行中選可侔戎者因授武寧軍節度副使簡較禮
部尚書

王敏爲侍御史世宗鎮澶淵太祖以敏謹厚有稱遂
命爲澶州節判及世宗尹正王畿改開封少尹

倚任

夫居牧伯之任當將帥之重雖復奉法遵職盡節效

命亦何嘗不推擇僚佐咨諏委賴然後政成而功立者哉由漢以來選辟甚盛乃有待遇隆篤周旋倚任至于條教憲令俾之裁處機謀戎務咸用闢決假其風望以抨彈豪縱倚其忠厚以摠督居留極其辭藻之能施之文檄之用知人而善使推誠而不疑繇是懷才者得盡其長立義者得宣其藪叶贊斯至勲業用彰古人謂申于知己者此之謂也

漢黃霸爲河南太守丞霸爲人明察內敏又習文法爲丞處職當于法令太守甚任之

陳湯爲大將軍王鳳從事中郎幕府事壹決于湯

後漢劉平爲濟陽郡丞太守劉育甚重之任以郡職韓稜潁川舞陽人初爲郡功曹太守葛興中風病不能聽政稜陰代興視事出入二年令無違者

朱穆舉孝廉屬江淮盜賊群起大將軍梁冀素聞穆名乃辟之使典兵事甚見親任

趙勤南陽人太守桓虞召爲功曹委以郡事嘗有重客過虞欲託一事爲曹吏虞曰我有賢功曹趙勤當與議之客潛于內中聽虞乃問勤勤對曰恐未合衆客曰止止勿復道也

范滂字孟博汝南人太守宗資請署公曹委任政事

時人謠曰汝南太守范孟博南陽宗資主畫諾

岑暉字公孝南陽太守成瑨下車欲振威嚴聞暉名

請為功曹時人謠曰南陽太守岑公孝弘農成瑨但

坐嘯

王渙為廣漢功曹太守陳寵徵為大司農和帝問何

以為治寵曰臣任功曹王渙由是知名

一云寵顯用良吏王渙鐔

顯以為腹心訟若日臧郡中清肅

陳蕃為汝南郡主簿大守王堂搜才禮士不苟自專

乃教掾史曰古人勞于求賢逸于任使故能化清于

上專緝于下其憲章朝右簡覈朝職委功曹陳蕃禪

政理務拾遺補闕任主簿應嗣庶循名責實察言觀

效焉自是委誠求當不復妄有辭教郡內稱治

魏審配漢末為袁紹冀州別駕紹委以腹心并揔幕

府

臧洪廣陵人漢末為郡功曹太守張超兄邈謂超曰

聞弟為郡守政教威恩不由已出動任臧洪洪果何

人超曰洪才畧智數優超超甚愛之海內奇士也邈

即引見洪與語大奇之

蔣濟為大祖丞相主簿西曹屬令曰舜舉臯陶不仁

者遠臧否得中望于賢屬

楊修字德祖爲太祖丞相倉曹屬主簿是時軍國多事修總知內外事皆稱意自魏太子已上並爭與交好

徐奕字季才爲太祖司空掾屬從西征馬超超破軍還時關中新服未甚安留奕爲丞相長史鎮撫西京稱其威信轉爲雍州刺史復還爲東曹屬太祖征吳從爲留府長史調奕曰君之忠亮古人不過也然微太嚴昔西門豹佩帶以自緩夫能以柔弱制剛者望之十君也今使君統留事孤無復還顧之憂也

滿寵字伯寧山陽昌邑人也年十八爲郡督郵時郡內李朔等各擁部曲害于平民太守使寵糾焉朔等請罪不復鈔畧

蜀蔣琬字公琰爲丞相諸葛亮叅軍亮住漢琬與長史張裔統留府事後代裔爲長史亮素外出琬嘗足食足兵以相供給亮每言公琰託志忠雅當與吾共贊王業者也

楊儀爲諸葛亮長史加綏軍將軍亮數出軍儀嘗規畫分部籌度糧穀不稽思慮斯湏便了軍戎節度取辦于儀

吳劉靖盧江人孫皎爲征虜將軍督夏口委靖以得

失委江夏李允以衆事廣陵吳碩河南張梁以軍旅而傾心親待莫不自盡

晉裴秀歷文帝安東及衛將軍司馬軍國之政多見信納遷散騎嘗侍帝討諸葛誕秀與尚書僕射陳泰黃門侍郎鍾會以行臺從豫叅謀畧

山濤爲文帝大將軍從事中郎鍾會作亂于蜀帝將西征時魏氏諸王公並在鄴帝謂濤曰西徧吾自了之後事深以委卿以本官行軍司馬給親兵五百人鎮鄴

王祥爲呂虔徐州別駕虔委以州事州界清靜政化

大行時人歌之曰海沂之康每賴王祥邦國不空別

駕之功

一云民事一以委之世多其任能

郭舒順陽人王澄爲荊州刺史旣至鎮日夜縱酒不親庶事雖寇戎急務亦不以在懷擢舒於寒悴之中以爲別駕委以州府

羅尚字敬之善屬文荊州刺史王戎以尚及劉喬爲叅軍並委任之

劉毅字仲雄僑居陽平大守杜恕舉爲功曹月餘日沙汰郡吏百餘人爲之語曰但聞劉功曹不聞杜府君

應詹為鎮南大將軍劉弘長史弘詹之祖舅請之曰君器識宏深後當代老子于荆南矣乃委以軍政弘著績漢南詹之力也

溫嶠為劉琨平北大將軍叅軍琨遷司空以嶠為右司馬時并土荒殘寇盜群起石勒劉聰跨帶疆場嶠為之謀主琨所憑恃焉

諸葛恢為元帝瑯琊王從事中郎愍帝即位徵用四方賢雋召恢為尚書郎王以經緯碩才疏留之

卞壺字望之元帝為琅邪王鎮建業召為從事中郎委以選舉甚見親仗

趙裔為王導從事中郎南頓王宗反裔殺宗于是導及庾亮並倚仗之轉鎮軍將軍

毛穆之寶之子果毅有父風為安西將軍庾翼叅軍翼等專制陝西以子方之為建武將軍守襄陽方之

年少翼選武將可信仗者為輔弼乃以穆之為建武司馬

王珣為桓溫大司馬主簿時溫經畧中夏竟無寧歲軍中機務並委珣焉

江道為吳令中軍將軍殷浩將謀北伐請為咨議叅軍浩甚重之遷長史浩方修復雒陽經營荒梗道為

上佐甚有輔弼之益軍中書檄皆以委道
劉鍾爲劉宰之鎮北叅軍督護高祖每有戎事鍾不
辭艱劇專心盡力甚見愛信

宋劉穆之高祖初定京城辟爲車騎主簿諸大處分
皆倉卒立定並穆之所建也遂委以腹心之任動止
咨焉穆之亦竭節盡誠無所遺隱從征廣固還拒盧
循嘗居幕中畫策決斷衆事劉毅等疾穆之見親每
從容言其權重高祖愈信仗之後遷太尉中軍司馬
高祖西伐司馬休之中軍將軍長沙王道憐知留任
而事無大小一決穆之乃加丹陽尹高祖西討劉毅

以諸葛長民監留府摠攝後事高祖疑長民難獨任
留穆之以輔之加建威將軍置佐吏配給實力長民
果有異謀而猶豫不能發乃屏人謂穆之曰悠悠之
言皆云大尉與我不平何以至此穆之曰公沂流遠
伐而以老母稚子委節下若一毫不盡豈容如此邪
意乃小安高祖還長民伏誅

臧熹爲通直郎高祖鎮軍車騎中軍大尉諮議叅軍
高祖北伐關雒大司馬瑯邪王同行除大司馬從事
中郎摠留府事

謝景仁爲高祖車騎司馬及高祖北伐時大司馬瑯

邗王天子母弟屬當儲副高祖深以根本爲憂轉景仁爲大司馬專摠府任

徐羨之爲高祖大尉左司馬高祖北伐掌留任以副貳劉穆之

謝晦爲高祖大尉主簿從征關雒內外要任悉委之王誕爲高祖大尉諮議叅軍轉長史盡心歸奉日夜不懈高祖甚委使之

張茂度爲高祖太尉主簿揚州治中從事史高祖西伐劉毅茂度居守留州事悉委之軍還遷中書侍郎高祖北伐關雒復任留州事

王華爲文帝司馬太祖入奉大統留華總後任

顏竣爲孝武安北鎮軍北中郎府主簿孝武鎮尋陽遷南中郎記室叅軍元嘉三十年春以父延之致仕固求解職不許賜假未發而孝武舉兵入討元凶轉諮議叅軍領錄事任總外內并造檄書孝武發潯陽便有疾領錄事自沈慶之以下竝不堪相見唯竣皆專斷施行

張邵初爲世子中軍叅軍武帝北伐邵請見曰人生危脆必當遠慮劉穆之若邂逅不幸誰可代之事業如此苟有不諱事將如何帝曰此自委穆之及卿耳

又爲文帝荊州司馬領南郡相事悉決于邵
劉湛爲彭城王義康豫州長史梁郡太守義康弱年
未得親政府州事悉委湛後爲江夏王義恭撫軍長
史湛子琰于江陵病卒湛求自送喪還都義恭亦爲
之陳請文帝答義恭曰吾亦得湛故事爲之酸懷乃
不欲苟違所請但汝弱年新涉庶務八州殷曠專斷
事重疇咨委仗不可不得其人量筭二三未獲便相
順許令答湛啓權停彼塋頃朝臣零落相繼寄懷轉
寡湛實國器吾乃欲令其引還直以西夏任重要且
停此事耳汝慶賞黜罰預關失得者必宜悉相委寄

庾登之爲衡陽王義季征虜長史義季少年未親政
衆事一以委之

范曄爲始興王濬後軍長史領南下邳太守及濬爲
揚州未親政事悉以委曄

謝方明爲左將軍道憐長史高祖命府內衆事皆諮
決之隨府轉中軍長史尋更加晉陵太守復爲驃騎
長史南郡相委任如初

江湛爲吏部郎隨王誕爲北中郎將南徐州刺史以
湛爲長史南東海太守政事悉委之

南齊胡諧之南昌人武帝頓益城使諧之守尋陽城

母... 備任... 卷之七十四

及為江州復以諧之為別駕委以事任

沈冲字景緯為武帝征虜長史潯陽太守甚見委遇

帝還都使冲行府州事

江祐為明帝驃騎諮議參軍帝時輔政委以腹心

沈瑀為竟陵王子良府參軍領揚州部傳從事子良

甚相知賞家事皆委瑀子良薨瑀復事刺史始安王

遙光嘗被使送民丁速而無怨遙光謂同使曰爾何

不學沈瑀所為乃令瑀專知州獄事

李珪之字孔璋為蔡興宗安西府佐委以職事清治

見知

宗史為南康王荊州別駕時西土位望唯史與同郡

樂謁劉坦為州人所推信故領軍將軍蕭穎胄深相

委仗每事諮焉

徐摛為晉安王諮議參軍王摠戎北伐以摛兼寧蠻

府長史參贊戎政教命軍書多自摛出

孔休源為晉安王府長史南蘭陵大守別勅專行南

徐州事休源累佐名藩甚得民譽王深相倚仗軍民

機務動止詢謀嘗于中齋別施一榻云此是孔長史

坐人莫得預焉其見敬如此

梁蔡道恭齊末為和帝西中郎中兵參軍帝起兵蕭

幕府部 卷之七十四 三十四

穎胄以道恭素著威畧專相委任

王茂爲高祖雍州長史帝以王佐許之事無大小皆詢焉

何遠爲後漢軍鄱陽王恢錄事參軍在府盡其智力知無不爲恢亦推心仗之恩寄甚密

蕭允爲晉王長史王爲南豫州允從爲長史時王尚少未親民務故委允行府州事

劉毅爲湘東王中記室太清中侯景亂世祖承制上疏書檄多委焉毅亦竭力盡忠甚蒙賞遇

許亨爲太尉王僧辨從事中郎與吳興沈景對掌書

記府朝政務一以委焉

庾黔婁鄉人鄧元起爲益州刺史以黔婁爲錄事參軍又得荊州刺史蕭遙欣故客蔣光濟竝厚待之任以州事黔婁甚清潔光濟多計謀竝勸爲善政

劉盈爲岳陽王察中郎府錄事參軍隨察之鎮有器度勤于公軍國經謀頗得察預

陳謝岐仕梁爲山陰令侯景亂岐流寓東陽景平依於張彪彪在吳郡及會稽庶事一以委之彪每征討常留岐監郡知後事

趙知禮字齊旦高祖討元景仲引爲記室嘗侍左右

深被委任當時計畫莫不預焉知禮亦多所獻替
陸山才字孔章爲周文育南豫州都督長史育不知
書疏政事悉以委之文育南討歐陽頔計畫多出山
才及文育西征王琳留山才監江州事仍鎮豫章
盧淵爲京兆王愉兼長史賜絹百疋愉旣年少巨細
多決于淵淵以誠信御物甚得東南民和
陸見賢侍中繕之兄子宣帝爲揚州牧乃以爲治中
從事史深被知遇歷給事黃門侍郎
程文季爲始興王府門內中直兵叅軍是時王爲揚
州刺史鎮治城府中事悉以委之

後魏辛琛爲滎陽郡丞孝文南征大守元麗從輿駕
詔琛曰委郡事如大守也

高景自符璽郎中出爲冀中別駕未之任屬刺史元
愉據州反宣武遣尚書李平爲都督率衆討之平以
顥彼州領袖乃引爲錄事叅軍仍領統軍機取舍多
與叅決

楊機字顯畧爲河南尹元暉功曹暉尤委以郡或謂
暉曰弗躬弗親庶人弗信何得委事于機高卧而已
暉曰吾聞君子勞於求士逸於任賢吾旣委得其才
何爲不可由是聲名更著

楊固為尚書考功郎大軍征硤石勅為僕射李平行
臺七兵郎平奇固勇敢軍中大事悉與謀之

崔光韶為濟州輔國府司馬刺史高祖甚知之政事
多委訪焉

甄楷字德旨定州人刺史廣陽王淵被徵還朝時楷
丁憂在鄉淵臨發召楷兼長史委以州任

高緒為冀州儀同府中司兵叅軍為府主封隆之所
賞隆之行梁州引自隨嘗令摠攝數郡

房天樂為清州別駕大將軍文秀拔為長史督齊郡
州府之事一以委之

高道穆初為蕭寶寅行臺郎中軍機之事多以委之
大都督崔延伯敗後賊勢轉疆屢請益兵朝廷不許
寶寅謂道穆曰非卿一行兵無益理遂令乘傳赴維
靈太后親問賊勢道穆具以狀對太后怒曰比來使
人皆言賊弱何獨云其疆也道穆曰前使不實者當
是冀陛下息顏望霑爵賞臣既忝使人不敢虛妄願
令近臣親簡足知虛實

楊侃為叔椿雍州錄事叅軍帶長安令府州之務多
所委决

崔康為彭城王勰衛軍府錄事叅軍總從征行招致

壯俠以爲部下總目之謂左右曰吾當寄胆氣于此人

姜儉爲太尉外兵叅軍蕭寶寅討關西引爲開府屬軍機謀畧多所叅預儉亦自謂遭逢知己遂竭誠委託盧陽烏爲彭城王府長史京兆王愉拜都督徐州刺史以陽烏兼長史州事巨細委之

朱瑞爲將軍爾朱榮府戶曹叅軍瑞長厚質直敬愛人士又爲大行臺郎中甚爲榮所親任

劉貴爲爾朱榮府騎兵叅軍榮性猛惡貴尤嚴峻每見任使多愜榮心遂被信遇位望日重加撫軍將軍

北齊薛琬東魏天平初神武引爲丞相長史琬宿有能名深被禮遇軍國之事多所關知琬亦推誠盡節屢進忠讜

張華原字蒲國少明敏有器度神武開驃騎府引爲法曹叅軍遷大丞相府屬仍侍左右從於信都深爲高祖所親待高祖每號令三軍府嘗令宣諭意旨孫搴爲神武相府主簿掌文筆能通鮮卑語兼宣傳號令當煩劇之任大見賞重

趙彥深爲神武丞相功曹叅軍專掌機密及文襄嗣位丞相慮河南有變乃自巡撫委彥深後事轉大行

臺都官郎中臨發握手泣曰以母弟相託幸得此心
既而內外寧靜彥深之力也

裴昭字元景爲文襄府墨曹叅軍甚見親委與陳元
康崔暹等叅謀機密

裴雋爲幽州刺史盧文偉平北府長流叅軍雋案舊
迹修督亢陂溉田萬餘頃民賴其修立之功多以委
焉

崔昂文襄在藩嘗委以腹心之任及入輔朝政召爲
開府長史時勳將親族賓客在都下放縱多行不軌
孫騰司馬子和之門尤劇昂受帝密旨以法繩之未

幾之間內外齊肅

李義深爲并州長史時刺史可朱渾道元不親細務
民事多委義深甚濟機速

後周令狐整初爲後魏東陽王榮主簿委以庶務畫
諾而已

趙善初爲後魏爾朱天光主簿天光討邢果及萬俟
醜奴以善爲長史軍中謀議每叅預之

蘇亮初爲後魏齊王蕭寶寅叅軍歷開府主簿記室
叅軍寶寅遷大將軍仍爲之掾寶寅雅知重亮凡有
文檄謀議皆以委之尋行武功郡事甚著聲績長孫

稚爾朱天光等西討竝以亮爲郎中專典文翰及賀拔岳爲關西行臺引亮爲左丞典機密

呂思禮初爲後魏關西大行臺賀拔岳郎中與姚弋榆入關俱爲岳所重專掌機密甚有時譽

柳虬初爲後魏馮翊王季海行臺郎中時軍旅務殷虬勵精從事或通夜不寢季海嘗云柳郎中判事我不復重看

李旭初爲後魏綏德公陸通司馬大祖許之旭雖年少通特加接待公私之事咸取決焉

王思政初爲後魏員外散騎侍郎屬萬俟醜奴宿勒

明達等擾亂關右北海王顥率兵討之啓思政隨軍軍中所有謀議竝與參詳

申徽爲太祖夏州記室參軍兼府主簿太祖察徽沉密有度量每事信委之

長孫儉爲太祖夏州錄事深敬噐之賀拔岳被害太祖赴平涼凡有經綸謀策儉皆參預

趙肅字慶雍雒陽人大統三年獨狐信東討肅爲司州別駕監督糧儲軍用不匱大祖聞之謂人曰趙肅可謂雒陽主人也

柳敏字白澤爲太祖丞相府戶曹參軍兼記室每有

月府 卷之七十一
四方賓客常令主之爰及吉凶禮儀亦令監綜
馮遷為晉公護府掾性質直小心畏慎雖居樞要不
以勢位加人兼明練時事善於斷決每校閱文簿孜
孜不倦從晨逮夕未嘗休止以此甚為護所委任
隋陰壽為高祖丞相掾尉廼之亂帝孝寬以元帥擊
之令壽監軍時孝寬有病不能親摠戎事每卧帳中
遣婦人傳教命三軍綱紀皆取決於壽以功進位上
柱國
盧昌衡為壽州摠管宇文述長史述甚敬之委以州
務

李圓通為秦王并州摠管長史王仁柔自弱少斷
府中事多圓通

唐任瓌陳末為衡州司馬都督王勇甚敬異之委以
州府之務

裴矩初任隋伐陳之役領元帥記室及陳平晉王令
矩與高顯收陳圖籍歸之秘府

李靖為趙郡王孝恭行軍長史討蕭銑高祖以孝恭
未更戎旅三軍之任一以委靖

朱仙客開元中為河西節度蕭嵩判官嵩以軍政委
仙客清勤不倦接待上下必以誠信

裴冕天寶中爲京畿採訪使王錡判官冕雖無學術守職通明果於臨事錡甚委之

常元甫初任滑州白馬尉以吏術知名本道採訪使常陟深器之奏克支使與同幕判官員錫齊名元甫精于簡牘錫詳于平覆陟推誠任之時謂員推常狀呂誣爲隴右河西節度哥舒翰度支判官性謹守勤于吏職雖同寮追賞而塊然視事不離案簿翰益親之段秀實至德初爲安西判官父歿喪毀過禮都將李嗣業授節制思秀實如失左右手表請起復爲義王友克節度判官

張群爲京兆府司錄肅宗以府尹劉晏判度支晏委府事於群及杜亞綜大體議論號爲稱職

李復大曆中爲江陵府司錄精曉吏道尹衛伯玉厚遇之府中之事多以咨委性刻削爲伯玉所信奏爲江陵令遷少尹

李融大曆中爲福建都團練鮑防判官防移江西融復爲團練判官政事多決於融

張建封大曆中爲河陽節度馬燧判官李靈曜反於梁宋間與魏博田悅犄角同爲叛燧與李忠臣同討平之軍務多以委建封人稱其能

鄭雲逵建中末奉天之難以諫議大夫奔赴行在居數日神策行營節度李晟表爲行軍司馬戎略多咨之王鏐貞元中爲江西節度嗣曹王臯都虞候鏐小心習業事善探府軍情狀至於語言動靜巨細畢以白臯臯亦推心委之雖家醮妻女之會鏐或在焉鏐亦感臯之知事無所避

盧群貞元中爲江西節度嗣曹王臯判官曹王移鎮江陵襄陽羣皆佐使府幕中之事多以咨委以正直聞

嚴震貞元中爲東川節度判官常收薦爲押衙改鎮

王府司馬嚴武以宗姓之故軍府之事多以委之元義方精於吏理貞元中爲京兆府司錄時常夏卿李實繼居尹正府之公務一以咨之

梁敬翔爲太祖宣武從事太祖與蔡賊相拒累歲城門之外戰聲相聞機畧之間翔頗預之太祖大悅恨得翔之晚故軍謀政術一以諮之蔡賊平奏授太子中允賜緋從平交鄆簡較水部郎中

裴迪太祖至沐延在賓席恩禮甚優厥後每統帥出征咸命主留事迪亦勤瘁夙夜不失所委累遷職至節度判官官至簡較僕射光化初太祖榜於院曰謬

膺重委摠授三藩軍機雖罄於拙謀民政全繫於右
席節度裴判官詳明吏理首寇賓筵水蘂不渝始終
如一自此應諸州錢穀刑獄等事竝請指揮乃徧報
管內咸遣知委

後唐司空頌爲魏州節度使羅紹威掌書記紹威聚
書萬卷尤工篇什每公私宴集無不屬和幕中皆知
名士而頌益蒙睠遇軍機政術必先圖議誅牙軍之
謀頌亦預焉

淳于晏在霍彥威幕相得甚歡及歷數鎮皆爲從事
軍府之事至于私門事無巨細俱取決於晏雖爲幕
賓有若家宰爾後公侯門客往往效之時謂之效淳
故彥威所至稱治由晏之力也
晉張彭仕後唐爲真定留守任圜推官事無巨細悉
訪於彭

册府元龜


册府元龜 幕府部

卷之七十一


四十四

刑部元龜倚任

卷之七十一



Faint vertical text in the left column, possibly bleed-through from the reverse side of the page.



研所示讀

卷之世百一十

